

Član 9

Ova instrukcija stupa na snagu danom donošenja i objavit će se u Službenom glasniku Brčko distrikta BiH.

Broj: 13.1-04.1-768/11

Datum, 18. 11. 2011. godine

Direktor

Mato Lučić, dipl. oec., s.r.

491

Upravni odbor Fonda zdravstvenog osiguranja Brčko distrikta BiH na osnovu člana 13 stava 1 tačke f) u vezi s tačkom h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), u skladu s članom 21 stavom 2 tačkom f) i članom 22 stavom 1 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi 01/02, 07/02, 19/07 i 34/08), na **33.** vanrednoj sjednici, održanoj 20. 10. 2011. godine, donosi

ODLUKU

O METODOLOGIJI UTVRĐIVANJA REFERALNIH CIJENA LIJEKOVA UTVRĐENIH ESENCIJALNOM LISTOM LIJEKOVA ZA POTREBE OSIGURANIH LICA FONDA ZDRAVSTVENOG OSIGURANJA BRČKO DISTRIKTA BiH DO OKONČANJA POSTUPKA JAVNIH NABAVKI U SKLADU SA ZAKONOM O JAVNIM NABAVKAMA BOSNE I HERCEGOVINE

Član 1

Ovom odlukom propisuje se metodologija utvrđivanja cijena lijekova utvrđenih Esencijalnom listom lijekova za potrebe osiguranih lica Fonda zdravstvenog osiguranja Brčko distrikta BiH, koji se finansiraju na teret sredstava Fonda zdravstvenog osiguranja Brčko distrikta BiH (u daljnjem tekstu: Esencijalna lista lijekova).

Član 2

Kriterij za određivanje cijena lijekova iz člana 1 ove odluke (u daljnjem tekstu: referalne cijene) je niža uporedna cijena lijeka iz Cjenovnika lijekova sa liste **A, A1, B** Fonda zdravstvenog osiguranja Republike Srpske od 15. 9. 2011. godine i Odluke o utvrđivanju cijena lijekova s Liste lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona, broj: 02/1-37-26424/10 od 24. 12. 2010. godine, broj: 02/1-37-908/11 od 20. 1. 2011. godine i broj: 02/1-37-906/11 od 21. 1. 2011. godine (Službene novine Tuzlanskog kantona, br. 1/11 i 2/11), (u daljnjem tekstu: pozitivne liste lijekova).

Član 3

Sadržaj Esencijalne liste lijekova koji se obezbjeđuju na teret sredstava Fonda zdravstvenog osiguranja Brčko distrikta BiH (u daljnjem tekstu: Fond), utvrđuju se u skladu s Finansijskim planom Fonda za svaku kalendarsku godinu, posebnom odlukom Upravnog odbora Fonda.

Član 4

- (1) Referalna cijena lijeka utvrđuje se na način da se odredi niža cijena lijeka, dobijena upoređivanjem cijena lijekova s pozitivnih listi lijekova, za lijek koji po generičkom nazivu, obliku, jačini i ATC klasifikaciji odgovara lijeku s Esencijalne liste lijekova.
- (2) Revidiranje referalnih cijena lijekova s Esencijalne liste lijekova vrši se, po objavi novih cjenovnika ili izmjena postojećih cjenovnika pozitivnih listi lijekova.
- (3) Revidiranje iz stava 2 ovog člana vrši Upravni odbor Fonda na prijedlog direktora Fonda.

Član 5

- (1) Način propisivanja i izdavanja lijekova s Esencijalne liste lijekova propisuju se posebnim aktom.
- (2) Finansiranje lijekova sa Esencijalne liste lijekova vrši se po referalnim cijenama utvrđenim na način opisan u članu 4 ove odluke.

Član 6

Za pružanje farmaceutske usluge izdavanja lijeka na recept na teret sredstava Fonda, ugovornoj apoteci pripada naknada u iznosu utvrđenom posebnom odlukom.

Član 7

- (1) Ova odluka stupa na snagu danom donošenja, a primjenjuje se počevši od osmog dana od dana dobijanja saglasnosti od Odjeljenja za zdravstvo i ostale usluge Vlade Brčko distrikta, do okončanja postupka javnih nabavki lijekova sa Esencijalne liste lijekova u skladu sa Zakonom o javnim nabavkama Bosne i Hercegovine.
- (2) Ova odluka će se objaviti u Službenom glasniku Brčko distrikta BiH.
- (3) Danom primjene ove odluke prestaju se primjenjivati Odluka o utvrđivanju cijena lijekova sa esencijalne liste, broj: 015-180/7-68/10 od 20. 9. 2010. godine, broj: 015-180/7-68/10-1 od 9. 12. 2010. godine i broj: 015-180/7-68/10-2 od 17. 2. 2011. godine.

Broj: 015-180/7-76/11

Brčko, 20. 10. 2011. Godine

UPRAVNI ODBOR

Dr. Anto Basić, predsjednik, s.r.

492

Upravni odbor Fonda zdravstvenog osiguranja Brčko distrikta BiH na osnovu člana 13 stava 1 tačke f) u vezi s tačkom h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08), u skladu s članom 21 stavom 2 tačkom f) i članom 22 stavom 1 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi 01/02, 07/02, 19/07 i 34/08), na **34.** vanrednoj sjednici, održanoj 16. 11. 2011. godine, donosi

ODLUKU

O IZMJENI I DOPUNI ODLUKE O METODOLOGIJI UTVRĐIVANJA REFERALNIH CIJENA LIJEKOVA UTVRĐENIH ESENCIJALNOM LISTOM LIJEKOVA ZA POTREBE OSIGURANIH LICA FONDA ZDRAVSTVENOG OSIGURANJA BRČKO DISTRIKTA BiH DO OKONČANJA POSTUPKA JAVNIH NABAVKI U SKLADU SA ZAKONOM O JAVNIM NABAVKAMA BOSNE I HERCEGOVINE

Član 1

U članu 7 Odluke o metodologiji utvrđivanja referalnih cijena lijekova utvrđenih esencijalnom listom lijekova za potrebe osiguranih lica fonda zdravstvenog osiguranja Brčko distrikta BiH do okončanja postupka javnih nabavki u skladu sa zakonom o javnim nabavkama Bosne i Hercegovine, broj: 015-180/7-76/11 od 20. 10. 2011. godine mijenja se stav 1 i glasi:

„(1) Ova odluka stupa na snagu danom donošenja, a primjenjuje se nakon dobijanja saglasnosti od strane Odjeljenja za zdravstvo i ostale usluge Vlade Brčko distrikta BiH i okončanja javnog poziva za ugovaranje farmaceutskih usluga, do okončanja postupka javnih nabavki lijekova sa Esencijalne liste lijekova u skladu sa Zakonom o javnim nabavkama Bosne i Hercegovine.“

Član 2

Ova odluka stupa na snagu danom donošenja.

Broj: 015-180/7-76/11-1

Brčko, 16. 11. 2011. godine

UPRAVNI ODBOR

Dr. Anto Basić, predsjednik, s.r.

493

Upravni odbor Fonda zdravstvenog osiguranja Brčko distrikta BiH na osnovu člana 13 stava 1 tačke f) u vezi s tačkom h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi 17/07 i 1/08) i članom 3 Odluke o metodologiji utvrđivanja referalnih cijena lijekova utvrđenih Esencijalnom listom lijekova za potrebe osiguranih lica Fonda zdravstvenog osiguranja Brčko distrikta BiH